



Broj: 02-04-55782-2/25
Sarajevo, 04.12.2025. godine

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo“, broj: 36/14 - Novi prečišćeni tekst i 37/14 - Ispravka) i člana 6. stav (2) Zakona o privremenom preuzimanju sufinansiranja institucija kulture i obrazovanja čiji je osnivač Bosna i Hercegovina („Službene novine Kantona Sarajevo“, broj: 17/24) Vlada Kantona Sarajevo, na **134.** vanrednoj sjednici održanoj **04.12.2025.** godine, donijela je

ZAKLJUČAK

1. Prihvata se Program rada sa finansijskim planom poslovanja Javne ustanove „Kinoteka Bosne i Hercegovine“ za 2025. godinu.
2. Program iz tačke 1. ovog zaključka dostavlja se Skupštini Kantona Sarajevo, informativno.
3. Ovaj zaključak stupa na snagu danom donošenja.

P R E M I J E R

Nihad Uk

Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,
3. Zamjenici predsjedavajućeg Skupštine Kantona Sarajevo (3x),
4. Premijer Kantona Sarajevo,
5. Ministarstvo kulture i sporta Kantona Sarajevo,
6. Javna ustanova „Kinoteka Bosne i Hercegovine“ (putem Ministarstva kulture i sporta Kantona Sarajevo),
7. Evidencija,
8. A r h i v a.



ARCHIVES NATIONALES DU FILM
DE BOSNIE ET HERZEGOVINE
SARAJEVO

THE NATIONAL FILM ARCHIVES
OF BOSNIA AND HERZEGOVINA
SARAJEVO

PLAN RADA JU KINOTEKA B I H ZA 2025.GODINU

Nakon potpisivanja Dejtonskog mirovnog sporazuma koji je zaustavio rat u BiH, formirana dva entiteta nastao je problem za sedam institucije iz oblasti kulture od državnog značaja, među njima i Kinoteka BiH koja je osnovana u ratnom periodu 1994. godine od strane Republike Bosne i Hercegovine, osporava im se pravni osnivački status i finansiranje. Prioritetan je zadatak Javne Ustanove Kinoteka Bosne i Hercegovine u Sarajevu u ovoj godini, kao što je to bio i prethodnih godina, riješiti pitanje prostora u kome egzistira i preduzeti potrebne aktivnosti u cilju rješavanja statusa i finansiranja ustanove. Problem finansiranja Kinoteke BiH kao posljedica nerješnog pravnog statusa svake godine se javlja u svom veoma teškom obliku, jer nema na godišnjem nivou niti jedana marka planirana u budžetima svih nivoa vlasti, nego se ustanova finansira putem projekata iz oblasti kulture i obrazovanja. To je nedovoljno novaca, a i sa zakašnjenjem stiže. Potreban je veliki trud kako bi se obezbijedila minimalna sredstva za rad i strpljenje da dočekamo finansiranje sa državnog, federalnog, kantonalnog ili eventualno gradskog i općinskog budžeta. Prošle godine usvajan Zakona lex specialis od strane Kantona Sarajevo kojim je započelo sufinansiranje Institucija iz oblasti kulture od značaja za BiH.

Treba napomenuti da je dio filmskog fonda originalnih materijala BiH filmova proglašeno pokretno nacionalno dobro od strane Komisije za zaštitu spomenika kulture BiH, što znači i obaveza Federacije BiH i svih ostalih nivoa vlasti da obezbijede uslove da se sačuva. Veoma je teško tako skromnim finansiranjem organizovati kompletan arhivski i muzejski rad. Iako filmska produkcija Bosne i Hercegovine u kontinuitetu bilježi značajne uspjehe, veći broj filmova je dobio prestižne nagrade na festivalima, ipak Kinoteka BiH, mjesto gdje se skupljaju čuvaju štite od propadanja, pod izuzetno otežanim okolnostima ispunjava svoje Zakonom propisane obaveze.

Prostori u kojima je smještena Kinoteka BiH su neuslovn i jedva da zadovoljavaju minimalne potrebe. Savez samostalnih sindikata BiH je u sudskom sporu dobio prostor u Alipašnoj ulici, ali smo se žalili na sudsku odluku o deložaciji iz ovih prostora i dobili odluku Vrhovnog suda o iseljenju. Na to smo se žalili

*Kinoteka B i H, 71 000 Sarajevo, Alipašina 19; Bosna i Hercegovina
tel / fax ++387 33 66 86 78; e-mail: kinjubih@bih.net.ba
ID broj. 4200762590003; porezni broj. 01071733
Račun kod INTESA SANPAOLO banke br. 1549995000418341*





ARCHIVES NATIONALES DU FILM
DE BOSNIE ET HERZEGOVINE
SARAJEVO

THE NATIONAL FILM ARCHIVES
OF BOSNIA AND HERZEGOVINA
SARAJEVO

Ustavnom sudu, ali ta žalba ne odlaže iseljenje. Pored toga uputili smo apelaciju o ispravnosti donesenih presuda, s obzirom da Savez samostalnih sindikata B i H nije bio upisan u Registar udruženja Pravosuđa BiH i da nema zakonitog predstavnika, a da su ipak donesene presude, što smo prijavili u Tužilaštvo kantona – Komisiji za borbu protiv korupcije i kriminala ovaj slučaj nezakonitosti. Prostor u Alipašinoj ulici Kinoteka BiH koristi, zakonito, od 1963. godine, kada je održana prva kinoprojekcija.

U filmskim arhivskim depoima, na dvije lokacije u Ulici Alipašina i Nikole Kašikovića 4a, trenutno su smješteni negativi od igranih i dokumentarnih filmova i tonske kopije filmova, a što je preko 3.000.000 metara filmske trake na 35 mm i 16 mm formatu. U 2025. godini nastavljamo aktivnosti vezane za inspekcijske preglede sa ciljem zaštite i restauracije filmova. Nastaviće se pregled i identifikacija amaterskih filmova na formatu 8 mm i super 8 mm, kako bi se obradio cjelokupan fond amaterskog, do sada neidentifikovanog, filmskog fonda.

Novi mediji privlače posebnu pažnju, s obzirom da je poboljšana slika i ton u digitalnoj formi. Nastavićemo prijem filmova koji producenti predaju nakon realizacije filmskih projekata koje finansira Fondacija za kinematografiju Federacije BiH, a u okviru Protokola o saradnji Fondacije i Kinoteke BiH. Već su primljeni igrani, kratki igrani i dokumentarni filmovi nastali u proteklom periodu, a u periodu od dvije godine primljeno je 100 različitih dokumentarnih, kratkih/ dugometražnih igranih i animiranih filmova na svim trenutno aktuelnim medijskim nosačima audiovizuelnih djela.

Povećavanjem filmskog fonda, raste i broj materijala od filmova, tako da trenutno raspolažemo sa impozantnim brojem plakata od filmova, a u toku je obrada novopristiglih i nastaviće se u 2025. godini.

Treba istaći činjenicu da je ranije obavljena digitalizacija plakata od BiH filmova tako da se obradio kompletan fond i nastavlja se digitalizacija pristizanjem novih plakata od BiH filmova. Pored plakata, nastaviće se obrada fotografija iz filmova, kako inozemnih tako i domaćih, kataloga, časopisa, knjiga o filmu, jer se fond građe i pisanih materijala od filmova kao što su sinopsisi, scenariji, knjige snimanja, dijalog i titl liste stalno obogaćuje pristiglom arhivskom građom.

Press isječki su svojevrсно svjedočanstvo o egzistiranju svih segmenata BiH i svjetske kinematografije i nastavlja se sa prikupljanjem podataka o aktivnostima u

Kinoteka B i H, 71 000 Sarajevo, Alipašina 19; Bosna i Hercegovina
tel/fax ++387 33 66 86 78; e-mail: kinjubih@bih.net.ba
ID broj. 4200762590003; porezni broj. 01071733
Račun kod INTESA SANPAOLO banke br. 1549995000418341





ARCHIVES NATIONALES DU FILM
DE BOSNIE ET HERZEGOVINE
SARAJEVO

THE NATIONAL FILM ARCHIVES
OF BOSNIA AND HERZEGOVINA
SARAJEVO

oblasti filma i kino programa. Specijalizovana filmska biblioteka se obogaćivati će se novim knjigama i časopisima, a ove godine će se obrađivati knjige koje je donirala porodica Veska Kadića, bivšeg direktora, filskog entuzijaste i teoretičara. Nastaviti ćemo sa prikupljanjem muzejskih eksponata stare kinematografske opreme i obradom prikupljenih podataka. Prošle godine smo nabavili dvije muzejske vitrine, koje su zajedno sa prethodnim vitrinama i staklenim ormarima omogućile bolje izlaganje muzejskih eksponata stare filmske tehnike. Cjelokupan kinotečki fond nastojati ćemo učiniti dostupnijim korisnicima.

Za informatičku obradu fonda BiH filma koristi se program FOX PRO, dok se inozemni filmovi i biblioteka obrađuju u ACCESS bazama, a u ovoj godini ćemo nastojati unaprijediti u skladu sa svjetskim trendovima i pokušati putem projekata nabaviti nove baze. Svi podaci o filmskom fondu kojim raspolaže Kinoteka Bosne i Hercegovine nalaze se u bazama podataka koje permanentno dopunjujemo. Pored toga unaprijediti ćemo web stranicu, boljim dizajnom i novim sadržajima, aktuelnim vijestima iz djelatnosti i vijestima o aktivnostima.

Dvije kinosale (40 i 80 mjesta) ćemo koristiti za realizaciju niza planiranih filmskih programa i drugih aktivnosti. Kako bi poboljšali sliku na projekcijama, kupili smo i instalirali novo filmsko platno u velikoj sali i adaptirali uslove u postojećem prostoru. Nabavili smo novi digitalni kinoprojektor, tako da je kvalitet projekcija unaprijeđen. U postignutim uslovima pružati ćemo, kao i do sada, usluge istraživačima, doktorantima, magistrantima, diplomantima ili studentima i učenicima za istaživačke, seminarske, diplomske, magistarske i doktorske radove koristeći arhivski i bibliotečki fond kinoteke B i H.

Nastavljamo saradnju u cilju realizacije potisanih protokole sa Akademskim zajednicama, IUS, ASU i FPN iz Sarajeva, sa ciljem da našu kulturnu baštinu približimo publici, posebno mlađoj populaciji školskog i predškolskog uzrasta. Nastaviti ćemo dosadašnju uspješnu saradnju sa vrtićima i djeca iz vrtića biće redovni posjetioци prigodnih filmskih programa, koje smo planirali za najmlađe uzraste. Za učenike osnovnih škola pripremiti ćemo domaće filmove sa odgovarajućim poučnim sadržajem u dogovoru sa nastavnicima.

Kinoteka B i H, 71 000 Sarajevo, Alipašina 19; Bosna i Hercegovina
tel/fax ++387 33 66 86 78; e-mail: kinjubih@bih.net.ba
ID broj. 4200762590003; porezni broj. 01071733
Račun kod INTESA SANPAOLO banke br. 1549995000418341





ARCHIVES NATIONALES DU FILM
DE BOSNIE ET HERZEGOVINE
SARAJEVO

THE NATIONAL FILM ARCHIVES
OF BOSNIA AND HERZEGOVINA
SARAJEVO

Nastaviti edukaciju uposlenika u cilju poboljšanja kvaliteta i kvantiteta usluga, učešćem u prigodnim seminarima, skupštinama kongresa FIAF(Svjetska federacija filmskih arhiva) i ACE (Evropska asocijacija filmskih arhiva) čiji smo članovi.

Planiramo saradnju sa Kinotekom Crne gore u skladu sa potpisanim Protokolom o saradnji sa ciljem prezentacije filmskih fondova u dvije države. U saradnji sa Kinotekom iz Slovenije aplicirati ćemo na fond ACE (Evropska asocijacija filmskih arhiva čiji smo član), kako bi realizovali digitalizaciju dokumentarnog filma "HOP JAN", reditelja Vlatka Filipovića sa ciljem da se prikazuje u programu ACE pod nazivom Evropski klasični film.

U narednom periodu se očekujemo aktivnosti vezanih za sukcesiju imovine bivše Jugoslavije i u sklopu podjela arhivske građe i raspodjela filmskog fonda. Nadamo se u narednom periodu poboljšanju statusa Javne ustanove Kinoteka BiH, čime će se stabilizovati finansiranje i učiniti lakšom realizacija planova za 2025. godinu i unaprijediti sveukupne radne aktivnosti.

PROGRAMSKE AKTIVNOSTI KINOTEKE BiH ZA 2025.god.

JANUAR

PROGRAM: "STO GODINA". CIKLUS: "RICHARD BURTON" – (1925.-1984.god.).

SARADNJA KINOTEKE BiH SA DJEČJIM VRTIĆIMA U SARAJEVU.
PROGRAM: " ANIMIRANI FILMOVI".

FEBRUAR

SARADNJA KINOTEKE BiH I 40. INTERNACIONALNOG FESTIVALA SARAJEVO – SARAJEVSKA ZIMA - OLIMPIJADA KULTURE SARAJEVO 2025 "INSIDE/OUTSIDE -KREATIVNO, ALTERNATIVNO, FANTASTIČNO" / XL Sarajevo Winter Festival 2025 – 07.02.-21.03.2025.god.

Kinoteka B i H, 71 000 Sarajevo, Alipašina 19; Bosna i Hercegovina
tel / fax ++387 33 66 86 78 ; e-mail: kinjubih@bih.net.ba
ID broj. 4200762590003; porezni broj. 01071733
Račun kod INTESA SANPAOLO banke br. 1549995000418341





ARCHIVES NATIONALES DU FILM
DE BOSNIE ET HERZEGOVINE
SARAJEVO

THE NATIONAL FILM ARCHIVES
OF BOSNIA AND HERZEGOVINA
SARAJEVO

PROGRAM: "EKTRANIZACIJA KNJIŽEVNIH DJELA U BiH FILMOVIMA".
PROJEKCIJE OD 19:00 SATI U SALI KINOTEKE BiH. ULAZ BESPLATAN.

PROGRAM: "EKTRANIZACIJE KNJIŽEVNIH DJELA U BiH
FILMOVIMA".

MART

PROGRAM: "DAVID LYNCH" - (In Memoriam 1946.-2025.god.).

APRIL

SARADNJA KINOTEKE BiH SA GRADOM SARAJEVO POVODOM
OBILJEŽAVANJA 6. APRILA "KINOTEKA BiH - ŠIRENJE FILMSKE
KULTURE U GRADU SARAJEVU - DAN GRADA SARAJEVA – DAN
OTVORENIH VRATA".

PROGRAM: "FATALNE ŽENE FILMA 20. STOLJEĆA".
CIKLUS: "MARILYN MONROE".

MAJ

SARADNJA KINOTEKE BiH SA MINISTARSTVOM KULTURE I
SPORTA SARAJEVSKOG KANTONA. OBILJEŽAVANJE
MANIFESTACIJE "DANI KANTONA SARAJEVO". PROGRAMI : "GRAD
SARAJEVO U BiH FILMU" i „IZLOŽBA PLAKATA BiH FILMOVA“.

JUNI

PROGRAM: "NAJBOLJI REŽISERSKI DEBIJI".

JULI

PROGRAM: "STO GODINA". CIKLUS: "PAUL NEWMAN" – (1925.-
2008.god.).

AUGUST

Kinoteka BiH, 71 000 Sarajevo, Alipašina 19; Bosna i Hercegovina
tel/fax ++387 33 66 86 78; e-mail: kinjubih@bih.net.ba
ID broj. 4200762590003; porezni broj. 01071733
Račun kod INTESA SANPAOLO banke br. 1549995000418341





ARCHIVES NATIONALES DU FILM
DE BOSNIE ET HERZEGOVINE
SARAJEVO

THE NATIONAL FILM ARCHIVES
OF BOSNIA AND HERZEGOVINA
SARAJEVO

PROGRAM: "*VELIKANI EVROPSKOG FILMA*".

SEPTEMBAR

PROGRAM: "*STO GODINA*". CIKLUS: "*SAM PECKINPAH*" – (1925.-
1984.god.).

OKTOBAR

SARADNJA KINOTEKE BiH SA DJEČJIM VRTIĆIMA U SARAJEVU.
PROGRAM: " ANIMIRANI FILMOVI".

PROGRAM: "*FILMSKI ŽANROVI*". CIKLUS: "*DJEČJI FILM*".

PROGRAM POVODOM: "*27 OKTOBAR*" - UNESCO-vog SVIJETSKOG
DANA ZAŠTITE I OČUVANJA AUDIOVIZUELNOG MATERIJALA.

NOVEMBAR

PROGRAM: "*ALFRED HITCHCOCK*".

DECEMBAR

PROGRAM: "*FATALNE ŽENE FILMA 20. STOLJEĆA*".
CIKLUS: "*MARLENE DIETRICH*".

SARADNJA KINOTEKE BiH SA FAKULTETOM POLITIČKIH NAUKA
UNIVERZITETA U SARAJEVU. PROGRAM: "*KOMUNIKOLOGIJA I FILM*".

KINOTEKA BiH I GRAD SARAJEVO REALIZUJU PROJEKAT: "*NOĆ
KINA U SARAJEVU – GRAD FILMA UNESCO-a*". PROGRAM: "*NOĆ KINA*".

Kinoteka BiH, 71 000 Sarajevo, Alipašina 19; Bosna i Hercegovina
tel / fax ++387 33 66 86 78; e-mail: kinjubih@bih.net.ba
ID broj. 4200762590003; porezni broj. 01071733
Račun kod INTESA SANPAOLO banke br. 1549995000418341



5. **Struktura planiranih rashoda za
2025.godinu**



JU KINOTEKA BIH SARAJEVO
NACIONALNI FILMSKI ARHIV
BOSNE I HERCEGOVINE
SARAJEVO

JU KINOTEKA BIH SARAJEVO
THE NATIONAL FILM ARCHIVES
OF BOSNIA AND HERZEGOVINA
SARAJEVO

Struktura rashoda za 2025. godinu JU Kinoteka BiH

611100	Bruto plaće i naknade	178.000,00 KM
611200	Naknade troškova zaposlenih	20.500,00 KM
612000	Doprinos poslodavaca i ostali doprinosi	110.500,00 KM
613200	Izdaci za energiju	17.350,00 KM
613300	Izdaci za komunalne usluge	19.400,00 KM
613400	Nabavka materijala, IT tehnike	23.700,00 KM
613700	Izdaci za tekuće održavanje	12.550,00 KM
600000	Ukupno rashodi	382.000,00 KM

Napomena : Ovim sredstvima bi se omogućili osnovni materijalni uslovi za rad Javne ustanove Kinoteka Bosne i Hercegovine u Sarajevu. Molimo Vas da razmotrite mogućnost povećanja dosadašnjeg iznosa. Unaprijed hvala!

v.d. direktorica
Devleta FILIPOVIĆ

Kinoteka B i H, 71 000 Sarajevo, Alipašina 19; Bosna i Hercegovina
tel / fax ++387 33 66 86 78;
www: kinotekabih.ba ; e-mail: kinjubih@bih.net.ba
ID broj. 4200762590003; porezni broj. 01071733
Račun kod INTESA SANPAOLO banke br: 1549995000418341

VII - AKTA VLADE KANTONA

Član 26.

Vlada Kantona u ostvarivanju svojih nadležnosti utvrđenih ustavom donosi uredbе, odluke, rješenja i zaključke.

Član 27.

Izuzetno za vrijeme trajanja ratnog stanja ili neposredne ratne opasnosti kada postoji objektivna nemogućnost da se sazove Skupština Kantona, Vlada može donositi i propise iz nadležnosti Skupštine Kantona.

Propisima iz stava 1. ovog člana ne mogu se staviti van snage prava i slobode utvrđene ustavom i drugim propisima.

Propise iz stava 1. ovog člana Vlada će dostaviti Skupštini na potvrdu čim ona bude u mogućnosti da se sastane.

Član 28.

Uredbom se ureduju najvažnija pitanja iz nadležnosti Vlade Kantona, bliže ureduju odnosi za provođenje zakona, obrazuju stručne i druge službe Vlade Kantona i utvrduju načela za unutrašnju organizaciju organa uprave Kantona.

Odlukom se ureduju pojedina pitanja ili propisuju mjere Vlade Kantona, daje saglasnost ili potvrđuju akta drugih organa ili organizacija i odlučuje o drugim pitanjima o kojima se ne odlučuje uredbom.

Rješenjem se odlučuje o imenovanjima i razrješenjima, kao i o drugim pojedinačnim pitanjima iz nadležnosti Vlade Kantona.

Zaključkom se utvrđuju stavovi o pitanjima od značaja za provođenje utvrđene politike, ureduju unutrašnji odnosi u Vladi Kantona i određuju zadaci organima uprave i službama, kao i radnim tijelima Vlade Kantona. Zaključkom se odlučuje i u drugim slučajevima u kojima se ne donose druga akta.

Član 29.

Uredbe i odluke Vlade Kantona objavljuju se u "Službenim novinama Kantona Sarajevo", a ostali akti Vlade ako je to u njima navedeno.

VIII - JAVNOST RADA VLADE KANTONA

Član 30.

Javnost rada Vlade Kantona obezbjeđuje se u skladu sa zakonom kojim se reguliše sloboda pristupa informacijama u Federaciji Bosne i Hercegovine.

IX - STRUČNE I DRUGE SLUŽBE KANTONA

Član 31.

Za obavljanje stručnih i drugih poslova za potrebe Skupštine Kantona, Vlade Kantona i organa uprave, Vlada Kantona može osnivati određene stručne, tehničke i druge službe, kao zajedničke ili samostalne službe, u skladu sa zakonom.

Aktom o obrazovanju službe iz prethodnog stava, utvrđuje se njen djelokrug, kao i status i odgovornost te službe i lica koje njom rukovodi.

Član 32.

Vlada Kantona vrši nadzor nad radom stručnih službi koje obrazuje.

Sekretar Vlade Kantona rukovodi radom Stručne službe koja obavlja poslove za potrebe Vlade Kantona i odgovoran je za njen rad.

X - PRELAZNE I ZAVRŠNE ODREDBE

Član 33.

Vlada Kantona je dužna donijeti Poslovnik o svom radu u roku od 30 dana od svog konstituisanja.

Član 34.

Vlada Kantona Sarajevo dužna je uskladiti Poslovnik o radu sa odredbama Zakona o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 38/13), u roku od 30 dana od dana njegovog stupanja na snagu.

Član 35.

Poslovnik Izvršnog odbora Grada Sarajeva i drugi propisi koji se odnose na njegovo unutrašnje organizovanje i funkcionisanje, koji su na snazi na dan stupanja na snagu Zakona o Vladi Kantona Sarajevo ("Službene novine Kantona Sarajevo", broj 7/96), ukoliko nisu u suprotnosti sa Ustavom Kantona i ovim zakonom, primjenjivaće se kao propisi Vlade, dok se ne donese Poslovnik o radu Vlade Kantona.

Član 36.

Do imenovanja premijera i članova Vlade u skladu sa Zakonom o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 4/01), poslove iz nadležnosti Vlade vršit će Vlada u dosadašnjem sastavu.

Član 37.

Ovlašćuje se Zakonodavno-pravna komisija Skupštine Kantona Sarajevo da utvrdi Novi prečišćeni tekst Zakona o Vladi Kantona Sarajevo.

Član 38.

Zakon o izmjenama i dopunama Zakona o Vladi Kantona Sarajevo stupio je na snagu osmog dana od dana objavljivanja u "Službenim novinama Kantona Sarajevo", broj 38/13.

Na osnovu člana 16. Zakona o izmjenama i dopunama Zakona o sudskim taksama ("Službene novine Kantona Sarajevo", broj 18/14) i člana 181. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst i br. 15/13 i 47/13), Zakonodavno - pravna komisija Skupštine Kantona Sarajevo, na sjednici 22.08.2014. godine, utvrdila je Prečišćeni tekst Zakona o sudskim taksama.

Prečišćeni tekst Zakona o sudskim taksama obuhvata: Zakon o sudskim taksama ("Službene novine Kantona Sarajevo", broj 21/09), Zakon o izmjenama i dopunama Zakona o sudskim taksama ("Službene novine Kantona Sarajevo", broj 29/09), Zakon o izmjeni Zakona o sudskim taksama ("Službene novine Kantona Sarajevo", broj 14/11), Zakon o izmjenama Zakona o sudskim taksama ("Službene novine Kantona Sarajevo", broj 36/13) i Zakon o izmjenama i dopunama Zakona o sudskim taksama ("Službene novine Kantona Sarajevo", broj 18/14), u kojim je naznačen dan stupanja na snagu tih zakona.

Broj 01-05.22971-2/14

22. augusta 2014. godine
Sarajevo

Po ovlaštenju
Esad Hrvaić, s. r.

ZAKON

O SUDSKIM TAKSAMAMA
(Prečišćeni tekst)

DIO PRVI. OPĆE ODREDBE

Član 1.

(Plaćanje sudske takse)

- (1) Ovim zakonom utvrđuje se način plaćanja sudskih taksa (u daljnjem tekstu: takse) u postupku pred Kantonalnim sudom u Sarajevu i Općinskim sudom u Sarajevu (u daljnjem tekstu: sud).
- (2) Postupci u kojima se plaća taksa i visina takse za pojedine radnje, utvrđeni su u Tarifi sudskih taksi, koja je sastavni dio ovog zakona.

Član 2.

(Obveznik plaćanja takse)

- (1) Takse propisane ovim zakonom plaća lice po čijem zahtjevu ili u čijem interesu se preduzimaju radnje u postupku, za koje je ovim zakonom utvrđeno plaćanje takse (u daljnjem tekstu: takseni obveznik).
- (2) Za podneske i zapisnike koji zamjenjuju podneske taksu je dužno da plati lice koje podnosi podneske i lice na čiji zahtjev

1000

1000

1000

*Zakon o sufinansiranju institucija kulture i obrazovanja
koji je osnivač BiH*

SLUŽBENE NOVINE
KANTONA SARAJEVO

Broj 17 - Strana 2

Petak, 3. 5. 2024.

DIO DRUGI – SUFINANSIRANJE INSTITUCIJA

Član 5.

(Sufinansiranje institucija)

- (1) Kanton Sarajevo će putem resora Ministarstva za nauku, visoko obrazovanje i mlade Kantona Sarajevo sufinansirati rad Nacionalne i univerzitetske biblioteke Bosne i Hercegovine, odnosno putem Rektorata Univerziteta u Sarajevu Zemaljski muzej Bosne i Hercegovine.
- (2) Kanton Sarajevo će putem Ministarstva kulture i sporta Kantona Sarajevo sufinansirati institucije iz člana 2. tač. c) do g) ovog zakona.
- (3) Kanton Sarajevo će privremeno do ispunjenja uslova iz člana 2. stav (2) ovog zakona sufinansirati institucije iz člana 2. stav (1) ovog zakona, sredstvima namjenjenim za:
 - a) plaće, topli obrok, regres i druge naknade,
 - b) režijske troškove institucija.

Član 6.

(Izvištavanje i planiranje rada)

- (1) Institucije su obavezne podnositi redovne godišnje izvještaje o radu i finansijskom poslovanju za proteklu godinu putem resornog ministarstva Vladi i Skupštini Kantona Sarajevo za finansijska sredstva iz člana 5. stav (3) ovog zakona, a na njihov zahtjev i periodične izvještaje za ta sredstva.
- (2) Institucije su obavezne dostavljati redovne godišnje planove i programe rada sa finansijskim planovima za tekuću godinu kojim se planira angažiranje finansijskih sredstava iz člana 5. stav (3) ovog zakona putem resornog ministarstva Vladi i Skupštini Kantona Sarajevo.
- (3) Godišnji programi rada sa finansijskim planovima i godišnji izvještaji o radu sa finansijskim izvještajima će se podnositi na način koji će se regulisati posebnim ugovorom o sufinansiranju institucije.

DIO TREĆI - ZAVRŠNE ODREDBE

Član 7.

(Nadzor nad primjenom)

Nadzor nad primjenom ovog zakona će vršiti Ministarstvo za nauku, visoko obrazovanje i mlade Kantona Sarajevo, Ministarstvo kulture i sporta Kantona Sarajevo i Ministarstvo finansija Kantona Sarajevo, svako u granicama svojih nadležnosti.

Član 8.

(Primjena drugih zakona)

Na institucije iz člana 2. stav (1) ovog zakona, a u skladu sa ovim zakonom, odgovarajuće će se primjenjivati odredbe Zakona o ustanovama ("Službeni list RBiH", br. 6/92, 8/93 i 13/94), kao i odredbe zakona ili drugih osnivačkih akata kojim su osnovane ove institucije na nivou Bosne i Hercegovine.

Član 9.

(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-26538/24

26. aprila 2024. godine

Sarajevo

Predsjedavajući

Skupštine Kantona Sarajevo

Elvedin Okerić, s. r.

Na osnovu člana 6. Zakona o javnim priznanjima Kantona Sarajevo ("Službene novine Kantona Sarajevo", broj 2/10 -

Prečišćeni tekst), Skupština Kantona Sarajevo na 15. radnoj sjednici održanoj dana 24.04.2024. godine, donijela je

ODLUKU

**O VERIFIKACIJI ODLUKE O PROGLAŠENJU
POČASNOG GRAĐANINA KANTONA SARAJEVO**

I

Skupština Kantona Sarajevo verifikuje Odluku o proglašenju Počasnog građanina Kantona Sarajevo, N.J.E. Rezeq N.M. Namoor, ambasadora Države Palestine u Bosni i Hercegovini.

II

Odluka o proglašenju Počasnog građanina Kantona Sarajevo, donesena je zbog izuzetnih zasluga i doprinosa u razvijanju međunarodnih odnosa na načelima solidarnosti i demokracije te promocije mira, tolerancije i humanosti.

III

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-04-26071/24

24. aprila 2024. godine
Sarajevo

Predsjedavajući

Skupštine Kantona Sarajevo
Elvedin Okerić, s. r.

Na osnovu člana 6. Zakona o javnim priznanjima Kantona Sarajevo ("Službene novine Kantona Sarajevo", broj 2/10 - Prečišćeni tekst), Skupština Kantona Sarajevo na 15. radnoj sjednici održanoj dana 24.04.2024. godine, donijela je

ODLUKU

**O VERIFIKACIJI ODLUKE O DODJELI PLAKETE
KANTONA SARAJEVO**

I

Skupština Kantona Sarajevo verifikuje Odluku o dodjeli Plakete Kantona Sarajevo, Segmedini Srna-Bajramović, posthumno, kao priznanje za izuzetan doprinos razvoju i kreiranju društveno-političkog života u Kantonu Sarajevo i državi Bosni i Hercegovini, naročito u oblasti promocije ženskih prava, te brige i zaštite socijalno-ugroženih kategorija.

II

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-04-26053/24

24. aprila 2024. godine
Sarajevo

Predsjedavajući

Skupštine Kantona Sarajevo
Elvedin Okerić, s. r.

Na osnovu člana 6. Zakona o javnim priznanjima Kantona Sarajevo ("Službene novine Kantona Sarajevo", broj 2/10 - Prečišćeni tekst), Skupština Kantona Sarajevo na 15. radnoj sjednici održanoj dana 24.04.2024. godine, donijela je

ODLUKU

**O VERIFIKACIJI ODLUKE O DODJELI PLAKETE
KANTONA SARAJEVO**

I

Skupština Kantona Sarajevo verifikuje Odluku o dodjeli Plakete Kantona Sarajevo, Akademiku Hadžemu Hajdareviću, posthumno, kao priznanje za izuzetan doprinos i zalaganje u borbi za afirmaciju bosanskog jezika, književnosti i kulture u Kantonu Sarajevo i Bosni i Hercegovini.